

Universitätsbibliothek Paderborn

Medvlla Theologica

Ex Sacris Scriptvris, Conciliorvm Pontificvmqve Decretis, Et Sanctorvm
Patrvm Ac Doctorum Placitis Expressa ; In qua, quidquid tum ad fidei
mysteria sanè ac rectè intelligenda, & ab erroribus quibusvis secernenda,
tum ad sacramenta debitè conficienda & ministranda, tum ad actiones
humanas iuxta ...

Abelly, Louis

Coloniæ Agrippinæ, 1658

III. An ad Deum clarè videndum intellectus creatus limune aliquo
supernaturali indigeat.

urn:nbn:de:hbz:466:1-38954

impiorum, statim atque decedunt à corporibus, pœnam aeternam tam damni quam sensus infligit, ut patet de Diuite epulone, cuius anima, statim atque à corpore soluta est, in infernum est delata, ibique pœnis & cruciatibus affecta: ergo multò magis credendum est illum beatitudinem aeternam, quæ in clara essentia suæ visione consistit, animabus sanctorum & iustorum concedere, statim atque ex hac vita perfectè à peccatis purgatae migrauerint.

Obijcies, S. Matth. cap. 20. in parabola operariorum, mercedem non nisi in fine diei omnibus simul operarijs solui; & Apocalyp. 6. animas sanctorum visas esse sub altari, diuinumque responsum accepisse, vt expectarent adhuc modicum tempus, donec completeretur numerus fratrum suorum: ex quibus locis videtur sequi, visionis beatificæ fruitionem simul omnibus electis concedendam usque in diem iudicij differri. Resp. hæc & similia scripturæ loca intelligenda esse de beatitudine totali & completa, quæ non animæ solum, sed etiam corporis gloriam requirit; quæ quidem, ut sic, post corporum resurrectionem in ultimum iudicium secundum legem ordinariam reseruatur.

SECTIO III.

An ad Deum clarè videndum intellectus creatus lumine aliquo supernaturali indigeat.

Dicendum est r. intellectum creatum auxilio aliquo supernaturali indigere, quo confortetur & eleuetur ad claram Dei visionem eliciendam; quod quidem auxilium supernaturale communiter à Theologis lumen gloriae vocatur.

Probatur r. ex Psal. 35. *Apud te est fons vite: & in lumine tuo videbimus lumen.* Apoc. 21. *Claritas Dei illuminabit eam,* scilicet societatem beatorum videntium Deum, ut explicat S. Thom. quest. 12. art. 5. ubi ex his duobus scripturæ

pturæ locis probat necessitatem luminis gloriae

Probatur 2. ex Concilio Viennensi sub Clemente 5. in quo inter alios errores Begardorum & leguinarum iste quinto loco recensetur. *Quid anima non indiget lumine gloriae eleuante illam ad Deum videndum, & eum beatè fruendū, & ibidem tanquam hæreticum damnatur, ut etiam referatur Clementinā (ad nostrum) tit. de hæreticis.*

Probatur 3. ex S. Aug. lib. 1. de peccatorum meritis & remissione cap. 19. vbi sic loquitur: *Verum tamen, si percepito baptismate ex hac vita emigraverit soluto reatu, cuius originaliter erat obnoxius, perficietur in illo lumine veritatis, quod incommutabiliter manens in æternum iustificatos praesentias creaturis illuminat.*

Probatur 4. hæc ratione: si intellectus ad eliciendum actum fidei supernaturalis in hac vita indiget auxilio aliquo supernaturali, multò magis indigebit ad eliciendum actum visionis beatifica: cum longè sit perfectior, ac multò magis supereminat naturali facultati ipsius intellectus: atqui certum est intellectum non posse sine auxilio aliquo supernaturali actum fidei elicere, vt definitum est in Concilio Tridentino Sess. 6. can. 2. & 3. & antea definitum fuit in Concilijs contra Pelagium congregatis: ergo à fortiori idem intellectus ad eliciendum actum visionis beatifica indigebit auxilio aliquo supernaturali; & illud est, quod à Theologis vocatur lumen gloriae.

Dicendum 2. lumen illud gloriae esse qualitatem habitualem intellectui creato ab ipso Deo infusam, illique inhærentem. Ita communiter Theologi aliquibus exceptis, qui aliter illius luminis naturam explicant.

Probatur assertio hæc ratione: quia scilicet per lumen gloriae intelligitur donum aliquod, quo intellectus creatus eleuatur permanenter & modo sibi connaturali ad Deum clare videndum: cum enim status beatitudinis sit permanentis, debet etiam habere modum sibi conuenientissimum, quo intellectus perficiatur permanenter, ac reddatur capax per aliquid sibi inhærens ad visionem illum eliciendam, in qua essentialis eius beatitudo consistit.

Con-

Confirmatur ex eo, quod ad actum fidei eliciendum ipsa fides habitualis tanquam lux aliqua subobscura intellectui infunditur, illique inharet eo fine, ut compleat & perficiat eius vim ex se insufficientem ad credendum in Deum: ergo a pari, immo a fortiori dicendum est, lumen gloriae habitualiter inharrere intellectui creato, ut compleat & perficiat eius vim debilem & insufficientem ad clare videndum Deum.

Eit autem obseruandum hic quod, quamvis de fide sit, intellectum creatum indigere aliquo auxilio seu lumine supernaturali ad claram Dei visionem eliciendam, ut patet ex Conc. Vienneensi supra relato, non est ramen expressè definitum, quid propriè sit illud lumen, an sit qualitas habitualis inharrens, vel aliquid aliud; quamvis longè probabilius sit id, quod diximus, & oppositum, licet non sit hereticum, videatur tamen aliquibus Theologis erroneum, ut docet Isambertus ad quest. 12. disp. 2. art. 3.

Quæres, an lumen illud gloriae tale sit velesse possit, ut non tantum creatum intellectum, sed etiam oculum corporeum eleuare queat ad visionem claram diuinæ essentiae seu an oculus corporeus lumine aliquo eleuari possit ad essentiam ipsius Dei videndam? Respondeatur id fieri omnino non posse. Ita S. Aug. epist. III. & 112. vbi ex professo illud varijs tum scripturæ tum SS. Patrum Athanasij; Gregorij Nazianz. Ambr. & Hieronymi authoritatibus probat. Ratio eius rei est, quia nulla potentia sua vitali actione extra limites obiecti sui versari potest; vnde, si impossibile est per facultatem corpoream visuam percipere saporem vel sonum, multò magis percipere rem purè spiritalem, qualis est Deus. Deinde, si Deus visu corporeo, prout in se est, videri posset, magis adhuc posset sensu interno; vnde sequeretur ipsa bruta animalia capacia fore beatitudinis, quæ in visione Dei consistit, quod absurdum est, & dici non debet.

Obijcies! ob dixisse cap. 19. In carne mea video Deum meum; &c. c. 42. Auditu auris audiri te, nunc autem oculus

F

meus

meus videt te. Ad primum locum respondetur cum S. August. lib. 22. de ciuit. c. 19. Iob non dicere se carnem aut per carnem, id est oculis carnis visurum Deum; sed in carne, hoc est post resurrectionem resumpto corpore, quod autem addit postea; *Quem visurus sum, ego ipse, oculi mei conspecturi sunt;* vel de oculis mentis accipendum est, vel de visione humanitatis Christi, quem in spiritu tunc praeuidebat, & Redemptorem vocabat. Ad secundum locum respondetur cum S. Thoma art. 3. de oculo mentis intelligendum esse, vel potius (ut alij interpretantur) de effectu diuinæ prouidentiæ erga homines, quem tunc ait se fuisse expertum euidenter, & quasi ad oculum cognouisse; cum antea non nisi auditu, & ex aliorum relatione agnouisset.

SECTIO IV.

Quid intellectus lumine gloriae illustratus in diuina essentia videat.

Dicendum 1. intellectum lumine gloriae illustratum videre Dei essentiam, & simul tres personas diuinæ, ac omnes perfectiones formaliter in Deo existentes. Probatur 1. ex scriptura. 1. S. Ioan. 3. *Videbimus cum sicuti est,* quæ verba vnanimiter SS. Patres intelligent de visione beatifica, quæ videtur Deus, sicuti est in seipso: atqui Deus in seipso est unus in essentia, trinus in personis, habetque formaliter in se omnes perfectiones: ergo

Probatur 2. ex Conc. Florentino in decreto vniuersitatis, vbi definitum est animas iustorum recipi in cœlum, & intueri clare Deum unum & trinum sicuti est; vnde sequitur secundum mentem Conc. omnes, etiam diuinæ perfectiones à beatis videri; cum non minus Deo conueniat esse v. g. sapientem, iustum, quam esse unum in essentia, & trinum in personis.

Probatur 3. hæc ratione: impossibile est aliquid, quod est

est on
deri, q
quibus
plicissi
realite
onibus
tiā diu
& omn

Dice
hendi.

Dei, p
formal
scantu

illo ext
essenti
ter in s
in se ce
fit, seq
prehend

Dice
vidend
ea mult
p. q. 12.
Theolo

Ad h
notand
plicem
propria
Deo ac
accipiun
diuino.

Hæc
de ciuit
ipsa (ut
cognoscit
(beati)
ipsam pr